

ՀԱՆԴԵՍ ԲԱՆԱՍԻՐԱԿԱՆ

ՅԻՇԱՏԱԿՔ ԱՇՆԱՅԻՆ ԱԻՈՒՐՑ

ԱՅԳԵԿՈՒԹՔ

Դիմէ հրակայաբայլ բնութիւն յեղծումն իւր և յաւեր .
Այլ տերեք յանկանելն՝ ըզբարունակըն մերկացեալք՝
Ըզխազող 'ի յայտ ածեն փողփողենէջ 'ի կարկեհան .
Արիչք պայծառադեղ յակընթափայլ երփնազարդին ,
Կան բացեալ ըշտեմարանք և հընձանաց ածի դարման :
Արժանաւոր դից օշարակ՝ աւիշ պայծառ և կարմիրփին ,
Քաղցրահամ ծորան հիւթոյ և արևուն բոցակիզման ,
Հաճոյից մեր աղբերակն և աշխարհի վայելք հեշտից ,
Եկ փարփտել ըզձանձրոյթ որ կոխ ընդդէմ ինձ յարդարէ ,
Եւ վայրիկ մի գոնեա դերանութիւն ինձ շընորհեա :
Սպանդարամետ՝ խրախութեանց աստուած և հայր զըւարթութեան ,
Դու սըփռեալ տարածեցեր շուրջ ընդ լերինըս Վոսբորի
Ըզկորդեալ բարունակս մօտ 'ի դըրաց արշալուսոյն .
Դու ծածկեցեր այգեստանեօք զապառաժուտըս Լեւոսի .
Քոյդ անապակ ելից յաւին ըզդիւցադուն և ըզլուսայս ,
Եւ պաշտօն քո կըրթեաց ըզՅունաստան , ըզդեռ վայրազն :
Ինքնին դու ըզկելտեանըս վառէիր արիասիրտ ,
Մինչ յաղթականն այն ժողովուրդ 'ի գազաթանց Ապենինեանց
Եկն ընդ յարկօքն ծըխաշունչ տապալ ջախջախ տալ ըզՀռոմ .
Պարզեօք քոյին կամէր ճօխ յարդարել ըզհայրենիսն
Եւ ըզճակատըն պըսակեալ 'ի բարունակս էսպերիոյ
Գինէհարեալ լի հըրճուանօք անց ընդ լերինսըն վերրստին .
Կըրկնէին հովիտք ըզձայն աղաղակին և ըզխընծիզս ,
Եւ նիզակքըն Բագոսի ըզյաղթական չուն վարէին :
Օշարակիդ քում պարտական է Գաղղիա զիւրըն բերկրանս ,
Ըզվայելըս խրախճանաց և ըզհամեմ ըսթափ բանից ,
Ջարուեստ ըզհոգ փարատելոյ և մերժելոյ զաղէտս անյուշ :

Այլ ահա յառաջէ ընդ այգեստան խուռն ժողով
Ուր սըփոխն գեղայօրէն , և սկիզբն առնու աշխատութիւնն ,
Ծերունին՝ եկաւորեալ ակընկալեօք նոր խազմըզոյ ,
Հասեալ բերկրապատար 'ի սարահարթ կողաց լերին

Անդ տեսանէ ըզլինդոր և զեղիշա լի յըզմայլման ,
 Հատանել յորթատունկ 'ի նոյն զողկոյզն անուշահամ . . .
 Ոյց ձայնից 'ի մօտաւոր լերանց ամբոխն առնէ դարձուած ,
 Ի հեռաստանն 'ի բացէ թրմբուկք՝ սըրինգք և շեփորայք
 Ի գեղոսն հընչեն երգոց՝ լըցեալ զհովիտն արձագանգօք :
 Մինչ այս մինչ այն , երգոցն հընչմունք և գեղգեղմունք 'ի կութս այգեաց
 Պըշուցանեն ընդ բըլուրն ըզհայեցուածըս որսորդին :
 Այլ վաստակըն յառաջէ , և սակառիքըն լայնասփիւռ
 Կարմրերանդ ողկուզօք կուտեալք զեղուն լիաբերան :
 Գողէն կորաքամակ ծընկօք բարձիցըն գեղեկոտ
 Յամբընթաց ածէ տանի յայգեստանէն 'ի շտեմարան .
 Մանկըտին երամովին դիմեն վազեն շուրջ ընծովաւ ,
 Եւ 'ի յայտ առնեն բացուստ ուրախալիւր աղաղակաւ :
 Մինչ խաղողն ընդ մարդակաւ է . և ծորան ջինջ և մաքուր
 Ի հընձանն հօսի՝ քանի ըմպողք միխեն անդ զըմպանակս
 Ուր յեռանդըն կայտուելով թեթեակին ցայտէ փըրփուր :
 Առ լերամբք արևմտից կարճատի աստղըն տըւընջեան
 Եւ ամբողջն գումարի և վաղվաղէ 'ի վերադարձ .
 Հասանէ Սպանդարամետ ըզբըրուատիս քո երգելով ,
 Եւ պարէ շուրջ ըզսայլիւք որ զայգեաց կութս ածեն բերեն
 Դարկալից սաղարդուն պըսակաւոր զայն յօրինեալ .
 Եւ ողկոյդք 'ի դրասանդ կախին ցըլուցն 'ի ճակատուց :
 Հաճոյք խառն 'ի խուռն և բերկրութիւն անպայման
 Երջանիկ կըթողաց վախճան առնեն երեկորին .
 Գոհ են յանձինս ամենեքեան , գոհ ըզբաղդէն և ընդ մարդիկ .
 Խըմբելոց նախանձորդաց նուադ մի ըզձեռքըն դինսուրէ :
 Ընդմիջեաց Սպանդարամետ զատելութիւն և զոխ քինու ,
 Տիրապետել տայ ըզսէր և շուրջ սըփուէ զանձուկ գըթոյ :
 Ծեխք երկու խանդակարօտք կան առ միմեանքս գիրկս արկեալք
 Երկընին ևս արձակեն կիսահագագ բանս հատկելեալ ,
 Ի բացխրփիկ իւրեանց այս հրավառ ցայտեն նամէտ նըշոյք .
 Զանահընար լինին 'ի դուր առնել 'ի յայտ զաղեաց գորով ,
 Եւ սըրտեռանդն անձկանօք 'ի հաւաստել թեւակոխեալք
 Երկընեան կափկափելով կընքեն երգումն 'ի սէր միմեանց :
 Գրկորիւրիս առ մլտերիմն երթայր ածել զիւրըն նըւադ .
 Ընդ ոտիւքըն դողդոջուն սասանել իմն ըզգայ գերկիր ,
 Տեսեալ կործան ըզձեղունըն հոլովել և զառաստաղ ,
 Եւ զի սեղանն յոր յենու՝ 'ի թաւայել կայ մօտալուտ .
 Ինքնին թաւալազլոր թափէ զբաժակն՝ ուր ջախջախեալ
 Փայլ 'ի փայլ ցընդի շողշող ցան ընդ գետինըն յողողման ,
 Գինըմպուքն աղմըկաւ իմն յարուցեալք մեկնին 'ի բաց
 Հընչեցուցեալ 'ի բացէ դիւրեանց կացուրդն և զաղաղակ :

ՍԷՆ ԼԱՄՊԵՐ .